



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. X. De Sanctis, ac Beatis monialibus ordinis S. Claræ.

urn:nbn:de:hbz:466:1-11249

nasset, multaque edi disset miracula, pridie I-
dus Augusti, sacra Eucharistia sumpta, ani- Anno
mam Deo reddidit, Innocentio quarto sum- 1253.
mo Pontifice, qui ægrotantem virginem
inuisit, eique suppliciter petenti indulgenti-
am peccatorum impertivit. Quam postea A-
lexander quartus inter sanctas virgines retu-
lit, biennio post eius obitum, anno Pontifi-
catus sui secundo. Quo tempore & ordinem
Eremitarum Sancti Augustini confirma-
uit.

De Damianisticis & Urbanisticis monialibus
vide suprà cap. 5.

C A P V T X.

*De sanctis ac beatis virginibus & vi-
duis ordinis Sancti Fran-
cisci.*

POST S. Claram, eminent S. Elizabetha,
Andree Regis Hungariæ filia, & Ludouici
Hassia Lantgrauij vidua.

S. Michelina vidua Pisauriensis.

B. Coleta, virgo, & aliæ de quibus nos
infrà agemus, & alijs paſſim agunt

Franciscanarum rerum
scriptores.

(..)

P 5

De

*De S. Michelina vidua, & patrona
Pisauriensi.*

Iul. 19.

Michelina Pisauri haud obscurō loco nata cūm mortuo viro, quodam die in Ecclesia Franciscanorum, cum Syriana muliere peregrina, tertij ordinis sancti Francisci (vt vocant) moniali, quam domi suæ hospitio exceperat, oraret, & quod ob curam filij (quem vnicè diligebat) se totam diuinō seruitio mancipare non posset, quereretur, vocem à Crucifixō egressam hanc audiuit, *Te hac quoque cura & amore levabo.* Quia domum reuersa, filium mortuum inuenit. Eo sepulto, facultatibus contra propinquorum voluntatem pauperibus distributis, vitam planè cœlestem aggreditur. Nam vilem tertij ordinis vestem induta, assiduè ieūnans, corpus ferro cilicioque, interius præcincta catenis ferreis, affligebat, humili cubabat; orationi vero sic vacabat, ut ex apertis & vulneratis genibus vermes scaturirent. Aegrotos per Xenodochia frequens visitans, quadam die cūm leprosum osculata, sanum tantum ea in parte reddidisset, exosculari tamdiu illum perseverauit, donec totus mundaretur. Mulierem quoque leprosam oratione curauit. Tandem pijs laboribus confecta, ad Christum migravit, 13. Kalend. Iulij, an. à partu Virginis 1356. in eadē Ecclesia sepulta.

Ita

Ita Philippus Ferrarius in Catalogo SS. Italæ, qui addit ipsam Pisauri Officio Ecclesiastico coli, & festo die in populo, ut loquuntur.

CAPUT XI.

Congregatio Coletana monialium ordinis S. Claræ, per B. Coletam instituta circa an. 1425.

B. Coleta virgo Corbeiæ in Picardia nata, ordinem S. Claræ cœpit primū reformatum in monasterio urbis Bisuntinæ apud Burgundos, post in aliorum quoque locorum varijs monasterijs; vfa potissimum consilio P. Francisci Balma, Confessarij sui, viri morum vitæque integritate laudatissimi, cuius ossa in dicto Bisuntino cœnobio quiescunt. Obiit autem B. Coleta Gandaui in Bethlehem sui instituti cœnobio, anno 1447. vbi hodieque sacram eius corpus integrum magna veneratione à monialibus adseruatur. Vitam eius fùse scripsit Stephanus Iuliacus, Theologus Parisiensis, à Surio editam. Colitur autem Gandaui à suis Officio Ecclesiastico, iuxta Indultum Clementis VIII. Papæ, petente Ser. m^a Isabella Clara Eugenia, Belgarum Principe anno 1604. concessum: quod ad alia eiusdem instituti cœnobia Belgica Paulus V. an. 1610. extendit.

Cete-